

DEDICATORIA.

maioribus nostris tradita tractataque est, maximè perplexam & obscuram. (Ne hoc loco aliquid addam de alijs quàm plurimis in hoc nostro opusculo contentis paradoxis, antea neq; visis neque auditis: deq; rebus Mathematicis difficillimis sanè atque perarduis: quæque omnem totius eruditissimæ licet antiquitatis captum ac intellectum excefferunt. Inq; quarum rerum inquisitione multi diu defatigati, inuenire se id quod quærent tãdem diffisi, ab instituto abstinuere.) Hæc autem maximè profunda atq; perplexa antea doctrina, ad quãtam facilitatem mei charissimi Præceptoris Iusti Byrgi Heluetij indefesso studio, sedulisque meditationibus, atque diurnis cogitationibus, meoq; hoc opusculo ac stylo, meaque quam vobis hîc exhibeo Methodo, redacta, correctâ, emendataque sit, non est meum dicere. Sed ipsa ventura ac sera posteritas post plurima secula dicet, videbit, iudicabit atque testabitur. (Cum nimirum per huius nostri delicatuli effaminatiq; seculi homunciones & pusiones, de tantis artibus, quas non intelligunt, peruersa ac sinistra plerumque ferantur iudicia. Imò etiam ipsi magistratui, ne hiscè collapsuris adque interitum ruituris artibus succurrat, suasores atque autores existant.) Ideoque neque me neque charissimum meum Præceptorem, instructoremque atque instauratorẽ huius absconditæ Doctrinæ facti impensiuè laboris vnquam pœnitebit, modò videamus, hos nostros susceptos atque exanthlatos labores, non ingratos fore, VVV. DDD. inque hac pulcherrima ac præstantissima singularis subtilissimæque eruditionis parte impensum collocatumque atque collatum studium, vobis optimis ac clementissimis meis Dominis ac Mecænatibus minimè displicere, modoque VVV. DDD. in adiuuandis nostris studijs Astronomicis, nostrisq; susceptis plusquàm Herculeis laboribus præsentem, promptum, pronumque animum sentiamus. Et præsertim si vestræ celeberrimæ Academiæ æquè ac omnium aliarum studiosos ad harum reconditarum maximeque iucundarum Doctrinarum atque artium sublimiorum cognitionem adhortemini, persuadeatis, inuitetis: eosque rudes ἀγεωμητρῆτας, ortus & occasus quos latet atque fugit, & de quibus cum Homero meritò exclamandum, ὦ φίλοι ἔγωγος ἰδμεν ὄππυ, ξόφος ἔδ' ὄππυ ἦτος, ad vestram videlicet celeberrimam Academiam ingenij excolendi politiorisque ac vberioris ingenij culturæ gratiã transmiffos, vestrorumque doctissimorum Præceptorum & Professorum fideli custodiæ ac disciplinæ concreditos, ad paternos Lares redire, domumque reuerti, minimè patiamini. Quæ sanè adhibita diligentia vestræ celeberrimæ Academiæ nec non toti honestissimæ Reipublicæ, quantum gloriæ apud omnes Nationes, quantumque veræ immortalitatis laudis ac honoris apud omnes doctos homines omnemque posteritatem sit allatura, ipsa veritatis filia, Tempus nimirum docebit atque testabitur. Neque demùm ægrè ferant

VVV.